



VANJSKOTRGOVINSKA KOMORA BOSNE I HERCEGOVINE  
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

**KABINET PREDsjedNIKA I POTPREDsjedNIKA**

Broj: 01-4-03-3-754-5/24

Dana: 29.07.2024. godine

**BOSNA I HERCEGOVINA  
MINISTARSTVO KOMUNIKACIJA I TRANSPORTA BiH**

Trg BiH 1, 71000 Sarajevo

– N/r g. **Edin Forto**, ministar

**PREDMET:** Mišljenje na Nacrt pravilnika o izmjenama i dopunama Pravilnika o postupku usklađivanja i registracije redova vožnje, načinu i postupku izdavanja dozvole i obrascu dozvole, - dostavlja se

Poštovani,

Vanjskotrgovinska/Spoljnotrgovinska komora Bosne i Hercegovine, zaprimila je dana 15.07.2024. godine, akt Ministarstva komunikacija i transporta Bosne i Hercegovine, broj: 04-02-2-1142-1/24 od 08.07.2024. godine, a kojim se u skladu sa članom 7. Zakona o Vanjskotrgovinskoj/Spoljnotrgovinskoj komori Bosne i Hercegovine ("Službeni glasnik BiH" br: 30/01 i 72/13), traži mišljenje na priloženi tekst *Nacrt pravilnika o izmjenama i dopunama Pravilnika o postupku usklađivanja i registracije redova vožnje, načinu i postupku izdavanja dozvole i obrascu dozvole*, informišemo Vas, da smo proveli proceduru traženja mišljenja od članova Udruženja prevoznika u međunarodnom i međuentitetskom drumskom prevozu putnika Vanjskotrgovinske/Spoljnotrgovinske komore Bosne i Hercegovine.

Nakon provedene procedure pribavljanja prijedloga i sugestija članova Udruženja, te uz uvažavanje prijedloga Odbora Udruženja prevoznika u međunarodnom i međuentitetskom drumskom prevozu putnika Vanjskotrgovinske/Spoljnotrgovinske komore Bosne i Hercegovine, za predmetni Nacrt Pravilnika, donešeno je sljedeće mišljenje:

- *Odbor Udruženja se ne slaže sa načinom provođenja aktivnosti na izradi predmetnog Nacrta Pravilnika, smatrajući da je od suštinske važnosti učešće predstavnika Udruženja u svim aktivnostima pri pripremi ovakvih propisa. Članovi Odbora su mišljenja da je neophodno organizovati novu Radnu grupu za izradu predmetnog Nacrta Pravilnika u kojoj će pored predstavnika Udruženja prevoznika u međunarodnom i međuentitetskom drumskom prevozu putnika Vanjskotrgovinske/Spoljnotrgovinske komore Bosne i Hercegovine, biti zastupljeni i predstavnici entitetskih ministarstava, entitetskih komora, te predstavnici Brčko Distrikta, koji bi donijeli kvalitetan novi Pravilnik.*

Smatramo da je neophodno:

- *Proširiti Obrazloženja razloga za donošenje ovog Nacrta Pravilnika;*
- *Pojasniti iskazane članove Nacrta Pravilnika,*
- *Ažurirati daljinom prije početka bilo kakvih aktivnosti na izradi i izmjeni ovog Nacrta Pravilnika.*

**Odbor Udruženja je u stavu da su prijedlozi predmetnog Nacrta Pravilnika neprihvatljivi i da kao takvi mogu dobiti samo negativno mišljenje ovog Odbora Udruženja.**

Očekujući puno razumjevanje i uvažavanje iznesenog u ovom aktu, te nastavak i daljnje unapređenje međusobne saradnje, unaprijed Vam zahvaljujem i srdačno Vas pozdravljam.

S poštovanjem,

